



006

Fr. 6 B. 10

Philosoph.

B. 9

h

8

DE
FRIDERICO. VVILHELMO
BORVSSIAE, REGE, S. R. I. ARCHICAMERARIO. ET. ELECT. BRANDENBVRG. CET
DOCTORE. IVRIS
EX. NVMO



DISSERT

ET
INCLITAE. ACADEMIAE
K I L O N I E N S I
IVBILAEVM. PRIMVM
III. NON. OCTOB. cło 10CC LXV
SOLLEMNI. RITV. CELEBRANTI

EX. ANIMO. GRATVLATVR
PERPETVAMQVE. FELICITATEM
MAXIME. PRECATVR

D. IOANN. CAROL. CONR. OELRICHS

COMES. PALAT. CAESAR. IVRIS. NAT. CIVIL. ET. HIST. IVR. LITT. PROF. ORD. IN. REGIO. ATQVE
ACAD. GYMNASIO. PALAEO-STETIN. REGIS. BONAR. ART. SOCIETATIB. REGION. GRYPHISVVALD
ET. GOTTINGAE. NEC. NON. DVICALI. HELMSTAD. ITEMQVE. BREMENS. TEVTONICIS
ET. LATINAE. IENENS. ADSRIPTVS

Nulla dies vnquam memori TETE eximet aevo.
VIRGIL.

PALAEO - STETINI
APVD. GEORG. MATTH. DREVENSTEDT. cło 10CC LXV

C. S.

CLAVDIANVS

in PROB. et OLYBR. consul. *in fine*

— — *Vos cuncta loquetur*

Tellus, vos variis scribent in floribus horae,

Longaque perpetui ducent in saecula fasti.

CELEBRATISSIMAE
ACADEMIAE. KILONIENSIS
PRORECTOR. MAGNIFICE

ILLVSTRIS. PROCANCELLARIE

CETERIQVE. OMNIVM. ORDINVM. PROFESSORES

SVMME. REVERENDI. IVRIS. CONSVLTISSIMI. EXPERIENTISSIMI

EXCELLENTISSIMI. AMPLISSIMI

FAVTORES. SVMMO. STYDIO. COLENDI



Circumspicienti mihi nuper argumentum,
quod VESTRAM, VIRI CELEBERRIMI, festiui-
tatem iubilaeam ex animo gratulaturus,
disputarem, quodque ad hanc non nihil
etiam esset adcommodatum: illico obueniebant summi
honores academici, a prima inde academi-
arum aetate, recepti,

) 2

III. DE. FRIDERICO. VVILHELMO. BORVSS. REGE

recepti, qui, in eiusmodi saecularibus, conferri quoque dignis iis iudicatis publice solent. Non excurram nunc in laudes huius moris in se praeclari, satisque omnibus bonis probati: sed id tantum agam, vt ostendam, hoc sane, si quidquam aliud, praestantiae et dignitatis scientiarum esse testimonium, quod summi etiam principes supremos accipere honores academicos non sint dedignati. Praetereo pontifices Romanos,*) duces, comites, barones, nobiles, eo, quod ex vera doctrina venit, praeconio, condecoratos: quorum omnium censum alii dudum instruerunt. Id potius, quod maius est, et a nemine vsque adhuc, data opera, tractatum, hac vice, exponendi est animus: nimirum ipsos reges, quid? quod imperatorem etiam vnum, doctoris, et in primis in iure dignitatem haud esse adspertatos. Dissimulare quidem nolo, GEORGIUM I. *magnae Britanniae regem*, non in iure, sed in theologia, summum hono-

*) Ipsos Romanos pontifices dant, si antea doctores non fuerint uniuersum, in alios principes omnes, renunciati, eo ipso, quum Papae dominarum, atque supereminentem euadant, tales fieri: vt post IASONEM tradit FRID. DE PETRIS *ICrus Neapolitanus, lib. I. festiu. lect. cap. VII. n. 12.* Forte sibi persuasum habent, triplicem illam *tiarā* omnis statim eruditionis fontem esse. *Pontifices* tamen, *iuris doctores* quam plurimos, in

honoris academici gradum Cantabrigiae, et in odium quidem academiae Oxoniensis, male tunc contra regem animatae, anno 1607 atque sic regno iam potitum, adsumfisse.²⁾

PLERVMQVE tamen huius fastigii principibus, doctoris potius iuris honores, et, in Angliae quidem academiis, utpote veteris illius singularis moris, eos regibus, academiam praesentia sua honorantibus, offerendi, vsque adhuc seruantioribus,³⁾ accipere placuit: et id quidem, si conicere licet, his ex rationibus, quod in Anglia doctor iuris, atque iuris consultorum ordo magnopere aliis honoribus emineant, adeo, ut eiusdem ibi, ac summi nobiles et *Esquires* (armigeri) dignitatis habeantur: siquidem Icti olim *domini* titulo, magna hac, ab antiquo aevo, imperium, potestatem, et auctoritatem denotante voce, qua ipsi imperatores

) (3) Romani,

in scenam produxit GVID. PANZIROLVS de claris legum interpretib. lib. IV. cap. VIII.

2) Conf. *Nova ltr. Lipsiensta*, a. 1607 publicata, num. XC. p. 722.

3) Innotuit tamen mihi ex fide digna relatione, idem etiam Bononiae moris esse: saltem FRIDERICVM CHRISTIANVM LEOPOLDVIVM, Saxoniae

electorem, praematura morte eheu! viuis nuper ereptum, quum Italicas peragraret terras, electoratus, quem modo dixi, tunc heres, ab academia Bononiensi, diploma doctoris iuris accepisse, ex litteris v. c. CAROLI FERD. HOMMELI, insignis Lipsiensis academiae, decoris atque ornamenti, edoctus sum.

VI. DE. FRIDERICO. VVILHELMO. BORVSS. REGE

Romani, AVGVSTVS et TIBERIVS, ex rationibus politicis, insigniri nolebant, in Anglia fuerunt ornati.⁴⁾ A vetustissimis quoque temporibus, in Italia, ICTos, *dominos* κατ' ἐξοχήν salutatos fuisse, innuit cardinalis HENRICVS HOSTIENSIS.⁵⁾ Sic etiam apud Batauos, eos, qui summos in iure honores adepti, venire titulo: *Heer en Meester* κατ' ἐξοχήν, nec doctores adpellari alios, quam artem medicam exercentes, testis est GERH. FELTMANNVS.⁶⁾ Accedit huius moris alia, quae vel primo loco poni debuisset ratio, quod si qua scientiarum principi scitu maxime utilis et necessaria, eiusque dignitati adprime est conueniens: certe est *iurisprudentia*. Inde eam *regiam artem* merito adpellauit PLATO, quum ambitu suo et diuina iura, interque haec maxime ius naturae et gentium, omnium quippe principis actionum normam, et humana, atque in his, iustum illud, omnis societatis animam, ac salutem populi, supremam reipublicae legem, contineat. Hinc IVSTINIANVS *imp.*
paucis

4) Conf. librum inscriptum: D. T. V. Y. *Les Estats, Empires, principautez du monde.* Paris, 1622. p. 17. u. 27. ibi: *Tous ceux, qui estudiant aux loix & qui sont profession des arts liberaux & ne vivent pas de leur travail, ont le nom de Monsieur, qui doit estre donné seulement aux Gentilshommes &*

Eseuyers en Angleterre & sont estimez nobles.

5) Ad cap. I. X. de testam. ibi: *As id est, duodecim unciae. As etiam quandoque ponitur pro obolo: propter quod verbum venit Bononiam studium civile: sicut audiui a domino (AZONE, ICTo) meo.*

paucis multa complectens, sapienter ait: 7) *Imperatorem maiestatem non solum armis decoratam, sed etiam legibus oportet esse armatam, ut utrumque tempus, et bellorum, et pacis, recte possit gubernari, et princeps Romanus non solum, in hostilibus praeliis, victor existat: sed etiam, per legitimos tramites, calumniantium iniquitates expellat, et fiat tam iuris religiosissimus, quam victis hostibus triumphator magnificus.* Eiusmodi quidem, utraque ex parte, perfectum exemplum, quod praesens videt aetas in FRIDERICO II. M. rege *Borussiae*, numquam vidit praeterita, nec forte visura est futura. Quid ergo mirum, doctores iuris renuntiare maluisse summos principes, quam alius scientiae, seu, ut vulgo dicitur, facultatis! 8) Ita PETRVS I. seu MAGNVS, *totius Russiae imperator*, postquam in ciuium academicorum numerum Oxonii anno 1725 esset relatus, doctor ibidem creatus dicitur 9) et, si res vera, sine dubio in iure. Forsitan reges inter, academicis fulgentes honoribus,
et

6) In tract. de titulis honor. p. 566. edit. post.

7) In prooem. institut. pr.

8) Conf. etiam CHRIST. GVIL. LOESCHERI epist. de praerogatiuis doctorum iuris, prae aliarum facultatum supremis gradibus. Vinar. 1720. 4.

9) AVCTOR ANONYMVS *Moscouiae gloriosae des unter Petro I oder dem Grossen höchst glücklichst blühenden Moscaw*, p. 173. Infidari tamen nolo, me in aliis huius imperatoris vitae scriptoribus hoc non legisse. Stet ergo penes illum interea huius rei veritas.

VIII. DE. FRIDERICO. VVILHELMO. BORVSS. REGE

et in primis doctores iuris, suo quodam iure, referendus etiam quibusdam videbitur OLIVIER CROMVVELL, regis quidem praeconium adsumere recusans, *protectoris Angliae* titulo contentus, eadem tamen, quae vllius vmquam Anglorum regis fuit, potestate, gauisus: quoniam non modo, studiorum cursu, in academia Cantabrigiensi, absoluto, magistri philosophiae honores obtinuit,¹⁰⁾ sed deinde quoque, ab Oxoniensi academia, oblatam ipsi, anno clobcxxxviii doctoris iuris dignitatem non est dedignatus.¹¹⁾ Sic etiam VVILHELMVS III *princeps Araustionensis*, postea *rex Angliae*, vno eodemque die, cum HENRICO, VVILHELMOQUE, principibus Nassouicis, et aliis, e comitum nobiliumque numero, septemdecim, die xx Dec. anni clobclxx Oxonii publice doctor iuris renunciari voluit:¹²⁾ quo quidem rarissimo spectaculo, vix vllum aliud, aut pulchrius, aut illustrius, academiaram orbis vmquam collustravit, nisi hoc fuerit, quo ibidem anno clobccvi FRIDERICVS VVILHEL-

10) AVCTOR ANONYMVS vitae HENR. DE COCCEII. *Quedlinb.* 1721. 4. p. 6. not. a. Idem ex alio AVCTORE ANONYMO vitae OLIV. CROMVVELLI p. 17. commemorat v. c. IO. PET. DE LVDEVVIG in *der Erläuterung ober SAM V. PVFENDORF Einleitung zur Historie*, cap. IV. p. 773. Tradunt etiam nonnulli, IACOBVM L.

magnae Britanniae regem doctissimum, magistri philosophiae honores non minus accepisse: quod tamen, silentibus prorsus hac de re, ipsius vitae scriptoribus, certo adfirmare non audeo.

11) ANTON. A VVOOD in *fastis Oxou.*

ET. ELECT. BRANDENB. CET. DOCTORE. IVRIS. IX

VVILHELMVS, sereniffimus Boruffici regni et electoratus Brandenburgici tunc heres, postea *Boruffiae rex II* publice *doctor iuris* est creatus. Iuuabit infolitiffimae huius in domo Brandenburgica rei, a nullo regis illius vitae scriptorum, vel verbo, commemoratae, occasionem, follemniaque, quibus haec creatio peracta, paucis exponere. Eadem fcilicet felicitas, qua iam fruitur academia VESTRA celeberrima, anno c160ccvi academiae contigerat Viadrinae. Vocatis igitur, vt moris est, in partes gaudii fui, cum Germaniae, tum exteris disciplinarum feminariis, academiis ac gymnafis, in primis illuftribus, et, eas inter, etiam Angliae vniuerfitatibus litterariis, Cantabrigiensis, quod memorandum sane posteris! deputatos Francofurtum miserat: Oxoniensis vero, quae huius est foror, id quidem non fecerat: ne tamen officio suo deeffe, aut forori cedere videretur, iubilaenum Francofurtanum, et fingulari quadam pompa, et follemnitate academica maxima, celebrauit.

)(

Oxon. adiectis EIVSDEM Athenis Oxoniensibus, vol. II. col. 88. ad quos pro-
uocat *Biographia Britannica* in CROM-
VVELLI *vita*, et, ex ea, v. c. SIGISM. IAC.
BAVMGARTEN in verfione huius ope-
ris Germanica publicari coepta, hac
cum infcriptione: *Sammlung merck-
würdiger Lebensbefchreibung. aus der*

*Britannifch. Biographie, tom. I. p. 72.
feqq.*

12) ANT. A VVOOD in. *hif. vniu.
Oxonienfis*, et, ex ea, CHRIST. VVILH.
LOESCHERVS' in *epift. ad CAROL. HENR.
HEYDENREICH*, qua, *de periculo fmul et
incommodis doctōratus iuridici, difquiri-
tur. Vinar. 1714. 4. ad fin.*

X. DE. FRIDERICO. VVILHELMO. BORVSS. REGE
uit.¹³⁾ Doctorum nimirum iuris promotio, vt academico
more dicitur, extra ordinem instituta:¹⁴⁾ quo praeconio
publice fuerant ornati FRIDERICVS VVILHELMVS, quem
dixi, postea rex *Borussiae*, dux DE BEDFORD, comes
A PLEYMOUTH, barones, DE SPANHEIM regis Borussiae
FRIDERICI I tunc primi ordinis, seu extraordinarius
Londini legatus,¹⁵⁾ GRANEN et GRANVILLE, dominus
BONET, *eques baronetus*,¹⁶⁾ regis modo dicti legatus
tunc ordinarius, quem vulgari sermone residentem ad-
pella-

13) Descriptionem horum sol-
lemnium exhibent *Academiae Franco-*
furtanae Encaenia secularia, Oxonii in
theatro Scheldoniano, Apr. 26. anno fun-
dat. 201 annoque dom. 1706 celebrata.
Oxonii 1706 fol. inserta etiam Seculari-
bus sacris academiae regiae Viadrinae,
parti III.

14) Mirum tamen, extraordina-
riae huius promotionis, ne verbo
quidem, mentionem factam esse in
Encaeniis Oxoniensibus, modo excitatis!

15) Nuntium, vt sperare licet,
exoptatum erudito orbi adfero,
hic significans, in amplissimo com-
mercio epistolico v. c. IO. CAROLI

SCHOTTI, *S. R. M. Boruff. olim a con-*
sil. ac reg. biblioth. reique numar. et anti-
quar. praesecti, societ. scient. reg. Be-
rol. classis philol. et hist. directoris, cuius
egregiam bibliothecam et MSCta,
ex legato filii ipsius, FRID. CASIM.
SCHOTT, *S. R. M. Boruff. quondam a*
consiliis aulic. et rebus acdil. accepit,
litteras etiam perill. SPANHEMII, item-
que, cuius hic paullo post mentio
fit, BONETTI, ad IO. CAROL. SCHOTTVM
datas, extare: quas partim inte-
gras, partim, omissis iis, quae ad
litterarum studia non spectant, con-
tractas, cum excerptis ex aliorum
celeberrimorum virorum ad IPSVM
litteris, praemissa IPSIVS vita, scri-
ptorum

pellamus, et quatuor nobiles seniores parlamenti adseffores. In horum omnium memoriam numisma singulare, quod in fronte huius scriptiunculae conspicitur;¹⁷⁾ a celeberrimo CHRISTIANO VVERMVTH, serenissimae domui Saxo-Gothanae quondam a cudendis numis, est cufum: cuius aduersam ornat, regii paullo ante nominati principis armati, ordinisque Boruffici fasciam gerentis, imago, hac cum inscriptione: FRIDERICUS VVILHELMUS I. Dei Gratia REGNI BORVSSIAE HAE-
)() 2 Res.

ptorumque recensione, benignis factis, cum republica communicabo litteraria: quam epistolarum syllogem alia deinde excipiet aliorum, non minus eruditione illustrium virorum.

16) Titulus hic *baronibus* cognatus, soli tamen Angliae est cognitus, et maior quidem communibus nobilibus, sed baronibus inferior, adeoque inter barones et nobiles medius: ceterum hereditarius. Vide sis IO. CHRISTOPH. BECMANNI *Synagoga dignitat. illustr. diss. XIII. cap. II. §. VII. p. 116.*

17) Publicatus quidem iam est hic numus in *Thesauro numismat. mo-*

dernor. huius seculi, a IOACH. NEGELEIN et MELCH. KOERNLEIN. *Norimb. 1700-1717 fol. publici iuris facto*, p. 572. et in CHRIST. HENR. GÜTHERI *Leben und Thaten FRIEDERICH I. Königs in Preussen, aus Münzen*, p. 289. itemque in IO. CHRIST. KUNDMANNI *academiis et scholis Germaniae, praecipue ducatus Silesiae cum bibliothecis, ex numis*, (libro idiomate Germanico conscripto) *tab. XV. num. LVI.* Verum, quum priora duo opera cara sint, in posteriori vero numus, summa incuria, aeri incisus deprehendatur, operae pretium fore duxi, eum, ab artificis Berolinensis manu, accuratissime sculptum, hic adiacere.

XII. DE. FRIDERICO. VVILHELMO. BORVSS. REGE

Res. In extremo brachii conspicitur nomen laudati artificis, repetitum quoque in auersa, cui inscriptum legitur: IN DOCTOREM IVRIS PROMOTVS OXONII CVM DVCE DE BEDFORD COMITE A PLEYMOUTH. BARON. DE SPANHEIM. GRANEN-ET GRANVILLE. DOMINO BONET. EQUITE BARONET^o ET QVATVOR. NOBILIBVS SENIORIBVS PARLAMENTI ASSESSORIBVS CVM ENCAENIA SECVLARIA CELEBRARET ACADEMIA FRANCFVRT. APRIL. XXVI. dat dicat dedicat christianus wermuth. Ceterum literas maiores in linea xvii et xviii numismatis, annum indigitare academiae iubilaeum MDCCVI, facile est intellectu. His denique addere haud erit iniucundum ipsum doctoris diploma, FRIDERICO VVILHELMO, ab academia Oxoniensi, transmissum, sic conceptum:

Cancellarius, Magistri et Scholares Uniuerſitatis
Oxon. Omnibus, ad quos hoc praesens Scriptum
peruenerit, Salutem in Domino sempiternam. Sciatis,
quod nos per praesentes testatum facimus, Serenissimum
et Celsissimum Principem FRIDERICUM WILHEL-
MUM, Regni Borussiae et Electoratus Brandenburgensis
Haeredem, Rectorem Academiae Viadrinae Magnificen-
tissimum,

ET. ELECT. BRANDENB. CET. DOCTORE. IVRIS. XIII
tissimum, Virtute omni Regia ornatissimum, Literarum
fautorem Augustissimum (Comitiis pro Genethliaco Fran-
cofurtensis illius eodem tempore solemniter celebratis, Cui
fausta et auspicata omnia) in solenni conuocatione Do-
ctorum, Magistrorum Regentium et non Regentium, in
Theatro Scheldoniano habita Vicesimo sexto die Mensis
Aprilis Anno Dni MDCCVI^o et Uniuerstitatis Viadri-
nae Fundationis CCI^{mo} conspirantibus Omnium tam Vo-
tis, quam Suffragiis, et Acclamante Academia DOCTO-
REM IN IURE CIUILI renunciatum esse: purpuramque eo
pacto Oxoniensem eodem honore, quo fasces Viadrini, de-
coratam. In cuius rei testimonium Sigillum Uniuersti-
tatis Oxon. commune praesentibus apponi fecimus. Da-
tum in Domo nostrae Congregationis nono die Mensis
Maii Anno Domini praedicto.

DIPLOMATI huic, in membrana, scripto, adpendet
sigillum cum epigraphe: SIGILLVM CANCELLARIATVS

)(3

VNIUER-

XIII. DE. FRIDERICO. VVILHELMO. BORVSS. REGE
VNIVERSITATIS OXONIENSIS, impressum ceræ rubræ in
capsula argentea deaurata, ouata, cuius operculum in-
scriptionem habet: DOMINVS ILLVMINATIO MEA.

IAM vero, si dicendum, quod res est, vix vlli alii
regi magis hos conuenire summos academicos hono-
res, quam huic, exemplo certe magni et incompara-
bilis legislatoris egregio, dignoque, quod ad posteros
transmittatur, quemlibet, qui iustus est rei arbiter, fa-
cile mihi daturum, spem ingredior certissimam.¹⁸⁾
Quid? quod regem quoque hunc, Augustanae confes-
sioni addictorum maximum praesidium, oppressorum-
que Deum quasi tutelarem, et in primis salutis ecclesia-
rum in terris suis, florisque et incrementi scholarum et
academiarum suarum, tota mente sumtibusque maxi-
mis,

18) Vide sis v. c. CHRIST. GO-
DOF. HOFFMANNI *prog. exemplum magni
et incomparabilis legislatoris in FRIDE-
RICO VVILHELMO, rege Boruss. exhib.
Francof. 1733. 4.*

19) Conferri hic maxime mere-
tur v. c. FRID. MVZELII, *Gymnasti regii
Ioachimici professoris, dum viueret, con-
rectoris, alumnorum ephori, et bibliotheca-
rii, elegans oratio, inscripta: Am-
phitheatrum regiarum virtutum Potsdam-
micum, siue triplex mirabilis cura FRI-*

DERICI VVILHELMI, *regis Borussiae, —
pro ciue, ecclesia et milite;* editaque
Berolini 1728. fol. plagul. VIII. Au-
ctor, alia inter magnifica magni
regis opera, in regia sede *Potsdam-
mi*, maxime celebrat Giganteam,
vt vocat, legionem, ex omni ter-
rarum orbe, sumtibus immensis,
conscriptam, qua rex mirifice dele-
ctabatur: summisque inde laudibus
extollit staturam hominum proce-
ram; de parua contra admodum
contem-

mis, studiosissimum, et, vt paucis magni regis absol-
 uam virtutes, qui omnium virtutum mirabilis velut
 fuit complexus, pium, vanitatum contra, quas luxus
 parit, oforem, grauemque vindicem, fortem etiam,
 felicem, litterarum litteratorumque verum et insignem
 aestimatorem, ac ciuium inde suorum omnium amo-
 rem et delicias, vereque AVGVSTVM hic sistere, atque
 sic iis, qui regem hunc militem et oeconomum dum-
 taxat praedicant, ruborem incutere possẽm, si meum
 id pateretur institutum.¹⁹⁾ Neque plura iam addendi
regum, doctorum iuris, exempla, tempus et occasio mi-
hi vacat: quae forte, ex Angliae regibus, suppeterent,
 dummodo huius regni annalium voluendorum et re-
 uoluendorum copia nunc esset. Nonnulla forsitan, hic
 praetermissa iam dedit V. C. MARTINVS HASSEN, *professor*
quon-

contemptim loquitur. *Tanto enim,*
 dicit, *perfectiorem hominem esse, pro-*
piusque ad primam perfectissimamque
figuram accedere, quanto quisque maior
est et procerior. Mirandum vero
 omnino, vsque eo oblitum esse vi-
 rum celeberrimum paruae regis,
 quem modo dixi, cui quoque hunc
 dicauerat sermonem, staturae, sui-
 que ipsius simul, quod praeconem
 egerit staturae procerae, qua ipse
 maxime gaudebat! Id consilii ideo,

vt aliquando me audire memini, da-
 tum mox auctori, a superioribus
 suis, vt totam orationis excitatae
 editionem supprimeret: vnde tanta
 eius, in natali etiam ipsius solo, ra-
 ritas, vt sint, qui credant, viginti
 vix in omni republica litteraria ex-
 stare eius exemplaria: ex quibus
 vnum, ex celeberrimi auctoris,
 praeceptoris quondam mei, ad
 cineres vsque colendi, donatione,
 mea possidet bibliotheca.

XVI. DE. FRIDERICO. VVILHELMO. DOCTORE. IVRIS
quondam moral. et politices Vitebergensis: 20) cuius autem
scripto potiundi studium meum vsque adhuc fuit inane.

HOC interim Catone contenti, ex animi sententia valete VIRI EXCELLENTISSIMI! resque VESTRAS in summi Numinis honorem, ecclesiae salutem, reipublicae etiam ciuillis ac litterariae incrementum, et familiarum VESTRARVM decus atque ornamentum, semper agite quam felicissime, quamque diutissime. Celebratissimae vero academiae VESTRAE concedat DEVS O. M. atque largiatur omnis felicitatis, per tot, quot habebit hic terrarum orbis, saecula, duraturae, cumulum: atque sic bonorum omnium impleat optata.

ITERVM valete, VIRI CELEBERRIMI, ac sollempnia vota VESTRA bene beateque persoluite, et, quod meorum votorum summa, commendatum fauori VESTRO habete

CELEBERRIMORVM NOMINVM VESTRORVM

Dab. Palaeo-Stetini
Ipsi Kal. Sept. els laec LXV.

cultorem studiosissimum
D. IOANN. CAROL. CONR OELRICHS

20) In *progr. de principibus doctis, eiusque nec academicis dedignatis titulos. Viteb. 1727.* Per multorum quidem annorum spatium, opellam hanc quaesivi: sed eam neque, in omnium bibliothecarum priuatarum amplissima, et, ratione immensi scriptorum etiam minutorum numeri, nulli secunda, antehac BVNAVIANA,

iam splendidissimae electorali Dresdeni inserta, offendi: neque Vitebergae, ipsa scripti huius quasi patria, aut Lipsiae, vlllo plane modo, expiscari vsque adhuc potui. Ceteros autem huius argumenti scriptores, quos ad vnum fere omnes meus habet adparatus litterarius, frustra, hanc in rem, consului.

PALAEO-STETINI. LITTERIS. LEICHIANIS

AB: 153.727



Sb.

R.





